

進賢縣志 第九冊

卷十六
循吏
人物
卷十七

艾乃馨

進賢縣志卷十六

循吏

昔班固傳循吏言守而不言令令之以循良著者始於東漢卓茂之令密魯恭之令中牟至於教授蘇湖而謳思百世爲吏桐鄉而俎豆一方有功德於民者固不以職分殊也進賢之爲縣六七百年矣棠蔭遺愛屈指焉不乏其人若漢之梅子真宋之周元公雖授職南昌而善政仁風進賢親被之也故仍著於篇首撰循吏一卷

漢南昌尉

梅福字子真九江壽春人少學長安明尚書穀梁春秋爲郡文

進賢縣志

卷十六

循吏

一

學補南昌尉後去官歸壽春數因縣道上言變事求假軺傳詣行在所條對急政輒報罷是時成帝委任大將軍王鳳鳳專執擅朝災異數見福復上書諫成帝久無繼嗣福又以爲宜建三統封孔子之世以爲殷後先是匡衡議以爲王者存二王後所以尊其先王而通三統也其犯誅絕之罪者絕而更封他親爲始封君以上承其王者之始祖今宋國已不守其統而失國矣則宜更立殷後爲始封君而上承湯統非當繼宋之絕侯也孔子曰某殷人也宜以孔子世爲湯後上以其語不經遂見寢至是梅福復言之綏和元年乃立二王後下詔封孔子世爲殷紹嘉公福歸家以讀書養性爲事元始中王莽專政福一朝棄妻

子居九江至今傳以爲仙其後人有見福於會稽者變名姓爲吳市門卒云今進賢雲橋俗傳是其經行起雲處也金山有梅村君山有梅潭其旁邑餘干有梅溪禮梅嶺豈亦召伯所芟耶

以下俱本舊志

知縣

宋

周敦頤字茂叔道州營道人原名敦實避宋英宗舊諱改焉以舅鄭向任爲分寧主簿縣有獄久不決公一訊立辨部使者薦調南安軍司理叅軍有囚法不當死轉運使王達欲深文重比之公獨與之辯達不聽乃委手版將棄官去曰殺人媚人吾不

進賢縣志

卷十六

循吏

一一

爲也達悟囚得免移郴之桂陽令已徙南昌南昌人皆曰是能辨分寧獄者吾屬得所矣一時富家大姓黠吏惡少皆以污穢善政爲恥歷合州判官部使者趙抃惑於譖臨之甚威公處之超然通判虔州抃守虔熟視其所爲大悟執公手曰吾幾失君今而後乃知周茂叔也熙寧初知郴州用抃及呂公著薦爲廣東轉運判官提點刑獄洗冤澤物行部不憚勞苦以疾求知南康軍因家廬山蓮花峯下前有溪合於湓江取營道所居濂溪以名之抃再鎮蜀將奏用之未及上而頤卒年五十七頤博學力行著太極圖明天理之根源究萬物之終始又著通書發明太極之蘊掾南安時程珣通判軍事視其氣宇非常與語知其

有道因使二子顥頤受業焉嘉定十三年賜諡曰元公

張嘉謀廬陵人登隆興間進士授奎章閣學士兼修國史階左
文林郎乾道四年以建言謫知進賢爲政廉明仁恕民甚德之
邑治廨宇陂澤多所剏鑿秩滿民不忍釋乃留其子有慶贅於
何家山之何氏今何姓者其遺裔能紹絃誦爲邑世族云

江介乾道間知進賢歲饑詔蠲半租介白部使者程大昌曰但
減其半則里胥仍舉盈數民未堪也若自全戶三升以上悉蠲
之則貧民咸被實惠矣嘗嘆曰民饑而食之猶子饑而乳之敢
幸賞乎其實心拊循如此

程迥字可久江寧人隆興元年進士知進賢值民饑府檄有愬

進賢縣志

卷十六

循吏

三

閉糶及糶與商賈者迥曰力田之人節腹治米每斗錢九十五
文逼於賦稅出糶非上戶也縣境不出貨苟不以粟易錢何由
得輸官耶今强者羣聚脇持取錢毆傷人者甚衆愚民不敢入
市坐致缺食言通販者非是申言再三見從乃已縣大水無稻
麥郡符下蠲租至薄迥白曰是驅民徙也賦不可得徒存欠籍
耳盍悉蠲之郡僚執不可迥正色曰唐法損七則租庸調俱免
今損十矣夏稅役不免猶用其二也公尚謂寬乎議乃定境內
有婦人傭紡春以養姑其子爲人牧易乾餼以餉祖母者迥廉
得之白於郡給以錢粟居官莊而寬明而信百姓戴之迥博究
經史有春秋周易語孟記傳評論醫卜田賦度量權等方法例

圖二十餘書卒官奉朝郎朱子嘗稱之曰博聞至行追配古人
釋經訂史開悟後學如程先生者非獨章句之儒
繆瑜字珍叟號崆峒龍南人登淳熙丁未進士嘉定七年任多
善政民感之有崆峒集

元

完顏璧河陽人大德間爲尹廉明公恕愷悌愛人嘗以輸賦稽
緩受府笞璧恐民間而懼也反召而慰安之民益感戴爭先輸
納惟恐爲賢令累賦畢登

陳世榮字顯卿山東莘縣人天歷戊辰來令進賢時詔有司造
軍器世榮驗租數以爲多寡刻程限事集而民無擾明年大饑

進賢縣志

卷十六

循吏

四

捐廩祿以散粥隨聞於上賑糧乃下故雖饑而民不傷在縣政
平訟理治田桑興學校均賦役刑名錢穀零襍靡不究心嘗曰
民可殘也天可誣乎以老辭任授奉訓大夫致仕邑人不聽其
去爭具木石築室於南門外居之

傅箕字拱辰號良菴邑六都人從包希魯學舉至正進士任延
平路錄事以介特稱轉本縣令當黔黎凋瘵干戈搶攘之際箕
厲行潔清民受其庇其後陳友諒以書幣聘之不受入明不赴
徵而屢典本省及應天文衡仍以元江西行中書省簡較卒於
家

辛敬字好禮大梁人尉進賢七年直惠安恬惟日與士紳文武

有氣誼者遊尋授爲令紅巾起敬與新興判官水兵千戶聯熊
釗樊仲明義兵恢省今嘯臺其遺蹟也後與縣尹橐歡屢挫寇
鋒及陳友諒破省分兵徇邑應援盡絕力屈委城

元

達魯花赤

元監縣官名

李蘭奚回回人監進賢縣十年吏畏民懷始終如一他州縣事
不能決者憲府時以屬蘭奚著能名沒於官

宋例禿字仁卿蒙古人至治間爲進賢監縣有威德嘗修陂墻
八百餘所民甚利之

袁州海牙字伯源高昌人至正間由進士爲進賢監縣公勤廉

進賢縣志

卷十六

循吏

五

能興利除害增公廨新學校士民甚戴之

知縣

明

施皓乙巳年任癸卯明太祖取南昌郡胡廷瑞歸附踰年公受
事兵革煨燼之餘辟草萊新學校奠安士民爲邑功首

梁璧泗州人洪武元年戊申知進賢廉明果斷囹圄空虛吏畏
民懷立清政坊自期祀名宦

鄭止中浙江麗水人廉勤慈愛御衆以寬民有過每不忍刑而
徐以禮諭之曰我爾之父母也忍不爾矜乎卒於官民痛之

陳有常丹徒人洪武進士甲戌年任廉公有威陞刑部主事歷

湖廣按察副使

按鎮江志作任姓
縣舊志作監生

李思中荆門州人繇歲貢洪武永樂間任公勤自勵臨事寬猛得宜歷陞刑部郎中

余曜字叔炫莆田人永樂進士任進賢廉介不阿力正上官和買之弊政平如水民不忍欺陞吉安府通判掌太和縣縣大治楊少師士奇贈以詩曰澄江一道分明月照見余侯一片心誰謂今人不如古古來循吏卽如今母喪解任復判饒州府

張冲字宏謙龍巖人歲貢正統初任廉明強幹禮士愛民重名器抑僥倖勅學宮築城垣增圖籍置義倉撫民如子時有蓮瑞芝靈野蠶成繭號三異焉秩滿奏留復任又九年再留視事卒

進賢縣志

卷十六

循吏

六

於官百姓巷哭祀名宦

呂聲浙江桐廬人天順間任廉直不徇衆作古選以訓蒙作嫁女歌以訓俗造士勤民作社學數十區身爲督課人才輩出政務修舉閭左被焚稽顙風反火息虎爲民患公禱神羣虎伏誅比歲屢疫聲爲民禱請以身代疫竟息民咸戴之陞太僕丞吳璉字美中南海人進士宏治三年任廉靜寬平初值水澇申請免租繼罹旱虐步禱得雨民免於災守正奉公始終不苟性恬退引疾去祀名宦

李學曾字宗魯茂名人宏治間任廉惠得民興學造士政成擢

刑科給事中

姚永正字文瑞宛平籍華亭縣舉人正德辛未任值歲荒流盜劫鄉坊永正率義民江環等保捍東關賊不敢犯後臺司遣將征勦調度軍用而民不擾閫帥誅求無已甘自窘辱以保民命逾年感疾卒於任四境哀之

王紀字理卿號順菴泰州人正德辛未進士知進賢寬順公廉邑舊無城庚午盜起郡縣雲擾紀相址計費壘土爲城關六門門各有樓邑賴保障又建鍾陵書院祀周濂溪置院租并餼守者學使李獻吉紀其事尋平姚源洞有功擢南京工科給事中直諫不避權勢左遷歷州丞累官至陝西僉事祀名宦

劉源清字汝澄東平人進士初任德興調進賢政尚嚴明尤加

進賢縣志

卷十六

循吏

七

意學校勤考校優獎勸凡所賞拔者次第登雋己卯逆濠變起倉卒遠邇震驚侯監旗邑門大書精忠報國號集義兵斷橋守城又積薪自環其室誓曰戰不利合家就焚耳安能爲賊辱哉逆戚婁伯領僞詔逼奪邑篆侯卽斬以徇賊遂不敢東向事平召拜監察御史尋擢大理寺丞士民於東關外立忠義去思碑亭祀名宦

周崑字孟登號學山崇德人進士由玉山調任威惠並行邑徵收初無定則崑至則懸示於門每糧一石以米六斗納倉銀三錢收庫限三次交完逢某項應解則呼糧長當堂取領起運糧長過取者許納戶當官自納納戶延者審實扑之鄉有積盜夙

惡廉得其實輒親履跡捕之面數其罪卽於其所榜百致之死
有漢趙廣漢風平時視民如傷卽召杜不能過也以母憂歸官
至吏科都給事中

周美字濟叔崑山人嘉靖進士知進賢時多逋賦美每當春農
輒緩其征民感其惠賦亦不逋出贖鍰賑饑建社倉飭學宮上
計至不能戒行李遷刑部主事累陞湖廣僉事蘄州江防每督
戰士遊徼江上得真盜卽殪之弗令扳累善良盜相戒不敢過
其境歷四川按察副使

何鏜字振卿號賓巖麗水人嘉靖進士知進賢激揚清風時萬
冢宰家居至威重鏜砥礪政事不少徇若邑中興除大利害又

進賢縣志

卷十六

循吏

八

一以平心處之常造孝子之廬葺先儒之亭皆有關風化久之
竟以骯髒遷郡丞去士民惋惜祀名宦後歷本省提學副使
程光甸字子極號南津泰湖人嘉靖進士知進賢敏練有幹才
時南贛盜發兵部奏請郡縣無城者刻期完具光甸計其費不
貲身先經度庶民子來不踰年而工竣崇正間祀名宦
湯聘尹字國衡長洲人隆慶戊辰進士知進賢光明慈恕邑糧
差先拆爲二糧輸於官差則隨事分派於民富者破產貧者廢
業聘尹奉行一條編法計民所應出總輸於官官任其事而民
不擾百姓戴之如出水火他如救疾賑饑修學造士雅多善政
每以一介不取自盟一夫不獲爲恥祀名宦

王亮字茂宏號樓峯臨海人萬曆丁丑進士治縣強項有氣岸見事風生奉檄清丈土田事零雜易於爲奸亮約束簡便大抵令民自占實而期以一日攜飯糗偕里正履畝間丈數坵小民不擾於供億而豪猾亦無所藉手三月報竣其爲政廉敏大抵如此召爲兵科給事中

林道楠字廷任號柱宇莆田人萬曆癸未進士令進賢時丈量初定道楠於上中下三則初欲以水鄉盡賦下田東南中上然後竟均派歲饑掉小舸徧歷窮村計口給粟民受實惠有生醉犯規引至後廳戒曰秀才當家居讀書曷入公門爲竟無他督凡小民一經其面數年後猶能呼姓名道顛末而又未嘗鉤距

進賢縣志

卷十六

循吏

九

以爲智也爲人貞亮和粹巨細不苟戴星出入者六年如一日毛一瓚字獻卿號肖寰浙江遂安人萬曆壬辰進士天性清剛下車剔釐夙弊吏胥不寒而慄里中豪素以氣力凌人者畏一瓚風采折節更學爲長者然瓚以嘖笑爲賞罰未嘗苛責也治賦無耗聽訟不入金矢口裁曲直各受理而退建文筆樓結彥社以厲學宮尤夙負人倫鑒識熊宮保明遇於初試期許大受他若李侍郎光元陳布政應元陳職方維謙皆屢拔前茅每促席談古今事則以忠孝廉節相勗嘗緼袍粗飯曰吾非不近人情奈土瘠何有同籍持節過縣心疑其飾廉排闥入內署見家人坐簷下結巾廚中惟蔬豆篋中葛巾而已其人嘆服而去題

衙齋云蕭條如古寺寂寞似枯禪書廳聯守身如女愛民如子
皆實錄也擢入吏部秉持公正人不敢干以私至今浙中銓席
推爲先輩典模祀名宦

黃汝亨字貞父號寓庸仁和人萬曆戊戌進士爲政嚴明整肅
人不敢犯酌利害而興除之先是邑漕粟民募艘轉運章江自
與軍交兌苦於久泊軍伍復難之吞漁無不至汝亨憂之乃建
倉會省倉成魚貫而兌悍卒無譁百年之弊頓洗一時鄰邑競
效之所著倉規纖悉備至事具兌倉記中他若準田賦以編役
立社倉以備荒圩豐樂以奠水鄉梁羅溪以起病涉表章書院
廣厲學宮邑士子咸彬彬向風焉置徵輸易知單每先期人給

進賢縣志

卷十六

循吏

十

一紙胥吏不得欺三老三老不得欺愚穉乃法之最善者後人
非不知之而發單多在糧完之後民視之同故紙矣在任六年
使車絡繹簿書旁午而問字常滿戶外雍容酬答畧無瞋委時
時行縣勸課嘯咏林間不啻子瞻之在杭也陞禮部主事歷本
省提學副使有人倫鑒識轉嶺北叅政家居久之擬推卿寺矣
會西湖魏璫祠成過而不拜羣小共擠之鬱鬱竟不起後潘曾
紘爲之請贈汝亨深通性學文章雋雅所著寓庸集行世
周光祖字伯繩號韋西崑山人萬曆三十二年任侯以名下士
蒞邑風節自勵凡便民之政知無不行修羅溪堤置學田每名
勝之地輒爲表章值歲薦饑與熊司馬議發倉粟分賑各鄉後

他邑有攘庫者乃謂司馬曰公謂善守不知善散於是驗矣仁人之言其利溥哉公敬賢重氣誼好談當世事葺賓館題曰南州分榻禮接士大夫延見諸生無虛日然皆未有干以私者蓋一時士風崇尚名節如此

錢士貴字元冲青浦人萬曆四十年以進士蒞邑清廉和惠視邑如家值癸丑甲寅水灾力爲百姓請命於王太蒙撫軍改折漕南二米更發粟賑施民賴全活平居不名一錢入覲無長物僦驢以行時福清相君訪聞其賢亟贊之得選爲給事中亦不謁謝也士貴旣以風節自持時局蒼黃無所依附是以浮沉仕隱晚卽亞卿有弟世貴崇正時舉進士令諸暨尚遵守其風軌

進賢縣志

卷十六 循吏

十一

焉

沈景初字君復號曰倪餘姚人癸丑進士先選虔之南康以丙辰知進賢景初爲吏部尚書雷門公子能菜食而憂民深廉潔通敏雖寒素老吏弗如也邑屢年薦饑公至而勸恤懇懇兩臺請命戶部覆題報可許以白金五錢代漕米一石率石紓三錢又請權金頒賑下鄉五都濱彭蠡景初露冕行野澤中督其繕防且拯揀不遺餘力建學宮之城門榜曰文明庀飭廟堂廡宇皆擇罪人輕科俾負插而兼以無業貧民故成功速而民不知也坐堂皇剖決如流其他存問鰥寡稽課儒效煥然神明己未授禮部主事踰年擢吏部

梁應材字四多號瑤石陽春人至縣每旦必焚香拜天視事大小立決治賦以勸諭代拘攝其早輸及額者卽識之曰若賦足矣無煩再來以是民德之賦亦辦訟牒至但取平情不責鉤束之人俸餘則以修學課士拔士之賢者以經術勗之杯酒款洽每談至夜分不倦及崔魏竊柄江右諸君子多所摧折令婉曲調護左右風節尤人所難丁艱歸補蕪湖以人望擢兵部頃之調吏部人不敢干以私攝考功卽以覆疏起註誤之臣鑄級里居廉不絕俗古之所稱易直子諒者其庶幾焉

蔣德瑗字仲陞別號鍾湖晉江人天啟五年進士知東鄉調任進賢邑衝繁視東鄉數倍下車首問民疾苦事不便於法者悉裁罷務在簡靜以休民力卽拮据征繕然不甚用追呼隸也維時獄無煩繫萑苻無嘯聚惟酌水賦詩恬然自適捐貲刻邑乘俸滿選人諫垣至今民戴其清靜云

王揚基字爾抑號石雲潛山人乙丑進士初仕錢塘以抗直左官藩幕攝新建當會省繁劇單誠心布實政咸稱其能稍遷令東鄉民悍多盜侯彷彿尹翁歸籍記吏民賢不肖以一警百踰年盜息民安調任進賢廉平不苛力行教化羸民始有起色逋賦亦輸以最當擢值臺使新邑之城復留基督之城完則又以他逋滯迨甲戌之冬考成乃如格也侯所至有聲而素知進賢疾苦獨委曲紓之以勞望轉監司旋擢湖廣巡撫

葉士魁字子微西安人崇正庚辰進士雋爽易直不設城府而
議論務本於忠孝治獄持平時督賦方急委曲勸諭不忍以鞭
扑立威也值大造均圖覈丁恒曰吾浙前輩每言丁不過都謂
本都豁一虛丁卽於本都米多者補之不累別都也然亦不多
加大畧卽新收多至數十石者加至二三丁而止目擊賦重民
貧每抱杞憂未幾值會城議論不一解組徑歸

黃庭師字調兩福建晉江人己未進士本年任進賢寬厚長者
悃悞無華會邑多逋以撫字爲催科民不爲擾日與諸生論文
剴切有加其有偶涉註誤者用觀過知仁法曲賜保全在任無
赫赫名久而人益思之陞戶部主事至光祿少卿

進賢縣志

卷十六

循吏

十三

署縣

黃奎璧號去華建寧人萬曆丙辰以按察司檢校來署時錢元
冲仁明廉介之餘新失慈母奎璧承其後孳孳愛民率六隅鄉
約百姓講陳聖諭敬禮賢士談義理終日忘倦不事擊斷惟以
誘化爲心斷斷潔已不名一錢去時無纖介長物蒞政雖數月
民之戴之無異錢君也

戴文亨豐都舉人萬曆二十年判南昌府署縣事清廉明直案
無稽牘催科不擾邑人德之

姚元愷字虞公浙江餘姚人太僕卿元素公子崇正戊寅以布
政司經歷攝縣篆一年不敲扑而賦亦辦智足應近世之變寬

足得士民之心小大之獄必以情號爲風雅云

縣丞

明

寇鍾歲貢零陵人勤慎一介不苟取於民蒞任九年始終如一秩滿陞宜州判

主簿

元

段從周字郁文大德間任文雅精察不苛時賦役之籍不明富者詭寄飛洒以避差役貧者苦之從周下令許民自首咸畏其精敏不敢犯卒得其實與縣尹完顏璧同時皆得人心云

進賢縣志

卷十六

循吏

十四

明

孟繼芳金華人明初主進賢簿兵荒之後繼芳佐長令拊循貧弱招恤逋亡征斂有藝徭役有次饋餉不勞戶口漸實復鳩工葺學舍士民德之嘗於廡旁作野軒邑人包宏爲之記秩滿去趙麟大名人以才薦主進賢簿奉檄督造紙郡立廠西山逾一載疫作麟憫之白於藩臬曰邑有榭山楮竹粗有且民安土無癘瘴功易成而生可必否則民死大半猶無紙也藩臬然之聽所爲民感之競樂趨事滿九載咸惜其去

尉

宋

黃汝嘉不知何地人淳熙間尉進賢是時尉廨爲臧嘉猷讀書處汝嘉從廨西作三賢堂祀梅福魏徵士及臧嘉猷以寄志千載而下猶想見其襟期也

教諭

元

韓炳正字九臯長才博聞正氣直言人士推服

明

丁之翰字季藩濟陽人幼從父儼講學資穎超絕稍長業五經著文名壬辰兵燹奉父母避難郡城時城中饑疫罄囊以贍嫻族隱居屢薦不起明初授新建訓導遷進賢教諭十年徵爲主

進賢縣志

卷十六

循吏

十五

事復以疾辭還職性剛介不隨流俗造士以明理爲先自號潛夫

周儒字宗魯黃岡人貢士成化間任持身端方言動以禮擢知縣

李寅字守正黃巖人舉人宏治初任剛方爲諸生所憚上官有待以非禮者幡然求解諸生詣臺省懇請勉留半載竟去

胡士奇平湖舉人慷慨有氣岸一時士子慕服臺使重之陞國子監學正

李樹敏臨川人萬曆乙酉經魁署進賢諭質直無機械春秋丁祭舊以故事應樹敏先期埽除索儀注考究簠簋籩豆之數醴

薦尊俎之儀齊宿儀門下三日屆期質明將事儀文翼然百年
僅見也諸生新進有家貧者悉還其束脩其敬士而愛人類如
此

王秉乾字以巽臨川人丁卯舉人每春秋祭祀獨敬謹集諸生
純飭者將事彬彬成禮抗直自持不懼強禦士之才而自愛者
謹護之否則不少借以顏色後遷丞長沙又以便民事與貴藩
相齟齬遂去官歸

訓導

詹淙字子源浦城人幼穎敏強記旁通陰陽諸書正統間任善
誘後進多所成就擢南昌教諭潮州教授卒於官

進賢縣志

卷十六

循吏

十六

李實字勉恕新會人貢士成化間任砥礪名節力學不倦動以
古人自期擢南京國子學錄

譚一鳳字文瑞無錫舉人正德間爲邑訓導值獻吉李公督學
江右毀南嶽廟爲書院一鳳請以其地易福勝寺址建之榜曰
鍾陵書院祠周子復修縣志祀名宦

李嗣晟字子忠吉安永新人少以文豪於鄉擴落不矜細行常
與吉州士夫講學雄辯驚坐王塘南先生爲之屈服晚年以歲
貢訓導進賢值水荒俸不足供薪水掩戶讀書精研性命日與
諸生顏燧輩往來唱和題其署曰兩個心知風與月十分春色
酒和詩陞南昌府授以 學基去當事惜之

附良吏遺

元

伊吾氏長安侯監龍興郡初郡政煩苛恒毛舉求讐督迫迫呼
踵至既獲其求乃飾欺反命焉而郡之政益不治伊吾至與約
曰曹以一人踐更伺於郡事之棘者刻期督之向之史徒足不
履縣而政大治矣

此監郡之賢者而邑人德之附見於此又元隆興郡侯安袁
亦有德於縣有四言詩二章見詩集原跋

田德榮潁川人爲豫章郡史至正二年仕進賢時賦輸之隸於
官者多爲主典所侵沒米三千斛鈔二萬緡德榮受郡檄來督
不數旬悉得償蓋能制權宜著誠恪矚然以廉介自持雖杯漿
不取也

進賢縣志

卷十六

循吏

十七

國朝

知縣

徐鳳鳴字祥宇遼東人久歷行陣木彊少文與士民語皆直吐
胸臆士之鎮靜者尤加敬禮催科亦有成法壬辰仲冬之晦土
寇闌入縣侯獨身與鬪面受一矢截矢追賊手戮四十餘人邑
賴以安

王斗樞字均五諸城人解元進士初授崇義令順治乙未銓試
改補知進賢縣甫下車卽繕城治兵除荒禮士哀鴻以集先是
令此土者數以叅罰去本折積逋至十有餘年考成不少假侯

爲權其緩急令田鄉或輸粟應度支地鄉得輸銀應解額里甲便之有遠年漕欠無從徵比者爲變產代賠七百三十石有奇民不擾而賦漸足當是時丈量久未報竣文廟啟聖諸祠荆榛滿目次第經理構造煥然改觀又開墾荒田若干頃得加級予優擢山賊湖盜之竊發也凡三奉檄進剿侯緩帶臨戎皆設奇計禽其渠領餘黨解散督撫交章稱能焉徵輸稍暇卽與諸生輩論道講書徵文分韻達夜分不少倦訟獄金矢纖毫無所取康熙壬寅遷戶部主事將去邑父老子弟方謀尸祝侯辭曰吾無德何可累桐鄉也遂改置壇山書院時人以比趙清獻一杯亭云

進賢縣志

卷十六

循吏

十八

聶當世號二瞻湖廣監利縣人順治戊戌進士康熙三年任邑承兵燹後百度破碎當世曉夜孜孜以修舉廢墜爲亟首新學宮飭城垣建倉廩梁羅溪橋及托固百丈池溪諸橋又建伍相祠最後纂修邑乘捐建保赤堂凡事之有待於新者無不新而總以克己裕民爲本務是以輿情鼓舞樂効子來邑副使饒宇棊請各立碑記以垂不朽當世曰吾盡吾職後有同志嗣而葺之亦職也奚以碑爲棊因爲保赤堂記併詳庶績尋以內召陞去

胡鼎生字還竹竟陵人順治己亥進士康熙十三年任適軍需急數月不雨夏苗將稿鼎生仰天呼曰吾民何罪罪當及余謝

車徒步走城隍廟朝夕祝不雨乃更卸冠服跣兩足行烈日中三日膚盡脫不雨遂大哭百姓亦哭卽命吏取重械自肩以朱署曰失職令某虔祝如前是日卽雨境內霑洽歲乃登是時耿精忠以閩叛大將軍率八旗兵數萬駐城內鼎生儒雅善射日左右將軍將軍稔其賢深加愛重解袍帶贈之牧馬城外有入百姓家者誤傷其馬將軍怒欲罪其民鼎生泣請乃止每顧民曰吾爲若輩不知膝之幾屈也縣北界餘干地卽彭蠡東湖賊出沒無常鼎生防守不少懈嘗以數百人殺數千人自是遂不敢復窺縣屹然爲東南捍蔽厥功豈在一邑也他惠政不勝書尤喜文愛士如性命後行取御史去邑人立碑思之不忘

進賢縣志

卷十六

循吏

十九

梁崧年三韓人康熙二十一年任年方弱冠而才過老成時三藩叛軍需煩急崧年苦心調劑緩急適宜民咸竭力輸將不及亦未嘗鞭扑從事至於夫頭索幫里長科派概行禁斷嘗傾囊僱募厨無隔宿不恤又城垣傾圮值旱潦相仍而時絀舉羸糾工代賑公私兩利嗣以歲稔令民各出升斗合貯本鄉出納聽自便由是四境皆有以待不虞且善發奸摘伏使閭井肅清故其始至也吏民易之旣而畏之久益愛戴之任四載以卓異陞去

尚崇震盛京人治尚清肅執法不撓釐奸剔弊動輒如神先是邑徵法每圖設里長一人主催收徵冊注合圖總數官不知民

民不見官惟里長是問名曰捆徵以故零星小戶過手侵漁而故家右族體統素嚴里胥往往不敢過而問焉由是新舊逋累前後比追至一歲充役六七年猶應比期者皆是也康熙己卯崇震銓任進賢甫至省卽聞邑罷頑狀下車勒限嚴追不應卽加考掠亦不應一日閱比簿但有里長而無花戶名始喟然愧悟乃下令曰糧從戶徵戶就官納里長主催不主收歲二月開徵十月全完分爲三卯卯各輸三之一玩延者官自提究違限三日雖輸亦懲當是時闔邑震懾豪右奪氣莫不踴躍輸將數十年罷頑之習一旦廓然已乃設立滾單每一甲一紙以糧多寡爲次第單到赴納送交下家鞭扑不用追呼無聞鄰邑則之

進賢縣志

卷十六

循吏

二十一

遂爲永例

張貺字方曉號頤菴四川威州舉人康熙己丑任天資佚蕩學有本源約已愛民尤好獎進善類常與邑中名宿切磋道義取士之尤者育於署授以經史古文如陳大晟齊之千皆莫逆交至舒兩水香尤其陶鑄而成之者也邑西羅溪橋堤當縣治孔道長二里許被水衝決殆盡貺勸諭捐建數月而功成尋行取陞主政去

石廷銘山東舉人雍正六年任清苦精勤食不重肉服惟布素蚤起坐堂皇至暮始罷訟牒聽民自便情理未協面予批斥受理事件計里差傳兩造具備虛衷剖斷民無枉抑命盜重情卽

騎一驢徑詣驗勘皆得其實下車三四月訟爲減半期年門庭闐然農事畢令村庄各立窩鋪守望相助間昏夜單騎獨出不知所之雖寫遠亦驀然而至於是人自爲守盜賊屏跡任甫二年以事解官去士民咸嗟惜之

劉象賢號泗水漢軍舉人雍正九年任持躬方正臨事精明人不敢欺邑自前明黃令汝亨請建省倉民免江兌旗軍勒索之苦風波耗散之虞然漕規條目自在也向例運米入倉者主吏給以倉收赴縣換票則有贈軍有隨漕有兵折有兵米猝難取齊大率官墊起運而後分徵此外尚有修倉墊倉由票謂之津貼亦逐款徵收於是催科之役往來不絕加以零星小戶科則

進賢縣志

卷十六

循吏

二十一

戊戌補刻

無常十難償一官不勝煩民不勝擾蓋非一朝一夕之故矣邑武庠傅以滄周紫垣商訂統徵分解之法以請於賢賢曰害不什不更制利不什不變法若此法行則是去十害而興十利也慨然上請一再駁終允行之大率正米壹石帶徵銀若干民自合輸官自分解一切煩碎畫然歸一其爲德於進豈淺鮮哉甫二載調繁豐城進民請留於大府者萬人弗獲民至今歌思之温儀字可象號紀堂陝西三原人癸巳進士授編修辛丑改授進賢知縣天姿明敏而臨事一本靜重於胥役寡嘖笑愛士如性命雖造次必假體貌以遠大相期審理詞訟準情酌理非甚謬戾不加鞭扑一時舞文健訟者爲之帖然常以儉德先民服

食惟甘淡泊下鄉按驗父老具火酒一樽雞子數枚輒欣然命酌其獻盛饌者却之童叟環觀如依膝下豐歉苦樂咸得自言在任四年擢保定守尋陞霸昌道引年歸

姚夢麟字獻徵蒙自縣舉人乾隆八年任起家寒苦樸遯性成不以搏擊見長始至值穀價騰踊每石二千而倉儲所餘止四百餘石不供平糶民大閔歸咎前令幾成大獄麟急請上游調撥楚米來縣少支接濟又勸捐闔屬富民出穀自數石至十石合米二百作糜散給全活甚多又以縣城久敝詳請興修借工代賑藉傭以活者殆數千人後以才力不及改教去士民惜之向德一字輔世號蘇村湖南溆浦舉人乾隆丙寅任老成幹練

進賢縣志

卷十六

循吏

二十二

戊戌補刻

情僞周知始下車案牘山積辦理精勤賞罰明允告期訟牒常數百當堂批摘裕如案無留牘以故數月之間僉稱神君訟風頓息爰召諸生面試於庭講論親切首捐百金倡建曲水書院舊有官田二處可六七頃向輸國課外盡充官棗德一盡捐以供書院膏火卽具文上達著令交代以垂不朽延名儒錄俊秀時時親臨甄別優劣復增田五十餘畝創號舍二十間俾臻完美旋以二親年老乞養歸德一去後邑有陳何二姓族蕃人衆互爭草洲各斃三命旣罷有寡婦子何繭仔放牧歸被陳姓擒於土庵殺而沉其屍其母籲冤後令袒陳而坐誣於何被參去獄久不決丙子德一終養服闋坐補進賢大憲屬以此案微服

行訪悉得其狀且聞庵僧與卜者目覩其事逃之新建既抵任陰遣役捕證人親鞫衆犯不承遂扃於署之西園差幹役諭指詣陳起屍役如指詣陳皆佯爲不知役叱曰某已招矣但隨往自有其處咸愕然偕行役指湖心叱取果得竹篋支解貯之而二證亦至歷白繭仔環跪乞命不許及謀殺滅口狀由是一訊立結皆伏辜邑西羅溪橋堤二里許被水衝嚙殆盡工鉅而費不資向來皆派於民德一獨以民不堪命力請帑金躬自督理至今岷然成金堤云

陳德林號猗堂山東滕縣廩貢乾隆三十三年任爲政廉謹屏絕陋規徵斂錢漕權衡斗斛甚平尤愛養士類邑曲水書院前

進賢縣志

卷十六

循吏

二十二

令去任取其租入充公致膏火不給德林捐已貲餉之每課必親臨考校弊絕風清稍暇惟以詩畫自娛惜不久任二年以父憂去

張永湖安徽祁門人監生乾隆辛亥任清廉愛民代完民間積欠至萬餘金慮後任以爲利而擾民因取徵簿悉焚之

以上舊志

王泉之號漢槎湖南清泉縣人博學多才宰進邑待士如賓勤求民瘼爲之興利除害隣境擔匪蕭爛脚黨夥橫行有紅黑兩線之號

日竊爲紅線夜竊爲黑線

擄掠搶劫居民震怖非捕役所能緝請委

弁會營搜捕懲辦百餘人費萬金閭閻始靜又慮羅溪至玉嶺

將二十里環繞皆山恐藏宵小特移玉嶺之塘汎駐於馬坵鋪

俾稽查其間行旅無虞自是四境安堵旣而偵知隣邑餘干之朱毛俚謀逆稱號僞封招募亟報大憲星馳嚴拏疾雷不及掩耳一一就擒而民不驚擾復以進邑鹽引額銷萬四千因地接南新市鎮就近買食故引不銷累及於民力乞大憲裁引八千歸南新融銷官民遂迨其咎平居督課農桑追呼不擾而利賴遍鍾陵矣尋陞去

顧麟趾號恕齋陝西吏員涉獵經史好觀大畧而悉得其要領任進邑水災爲患北鄉幾成澤國親詣查勘備糧散給貧不能舉火者存活甚衆水退卽捐資督工修補名處崩瀉圩堤民賴以粒食每月朔望集軍民宣讀

進賢縣志

卷十六

循吏

一二十四

上諭教誡維嚴其課士尤勤勗以先器識而後文藝油油然民風爲之一變先是閭閻以歲歉逋欠今皆踴躍奉公矣鄉里以微嫌構訟今皆禮讓成俗矣是遵何道哉蓋其實心實政入人之深而感人之速有如此也調任新建咸惜之曰阿父去矣厥後任都昌任盧陵並著賢聲終於河口司馬進之士民眷戀不忘稟請咨

奏入祀名宦祠

縣丞

黃錫蒲字昆雲雲南廣通人乾隆戊午年佐縣事悃悞無華遇民事必委曲勸諭不輕用鞭扑延禮紳士恒於端方有品行者

加厚焉凡修學與城大工役贊襄甚力每歲監收漕糧居省倉潔已奉公嚴斥弊竇兌者稱便以事往鄉平易近人事在可已輒已絕無苛責上官嘉其賢屢委署令事俱有聲在進二十一年始終如一人無間言後以老致仕去

彭鏌字鳴玉號韻亭湖北漢陽縣人乾隆二十四年任平易近人敬禮賢士以氣節自持非公事不謁長吏然遇聽斷大事有未得其情者必入告亦不使外人知也當迎養時乃翁屢出家貲佐用惟以作好官相啟屬由是飭篋篋益力己卯署本邑令數月知無不爲在任十餘年以病告休

鄒繩鉞江南無錫縣人乾隆三十七年任侍郎一桂姪也立身樸誠每紳士來謁輒談文藝日昃不休居官一本厚道鞭扑未嘗輕用尤廉介嘗奉差出眷屬不能舉火至有啼飢聲長吏李升庸聞而駭亟遣人餽以米歸仍典衣償之以病卒於官合邑歎惜好義者爭爲賻藩憲秦公悉其貧爲之經紀始能歸葬

典史

朱士任順天宛平人乾隆丁亥年任本世家子以風格自標不屑爲俗吏熊子近曾以少年成進士將除

弗許曰各

事其事卽各報所報敢以未老於汝求安平尋以內艱去

胡永錫順天大興人乾隆丙戌年間由生員署縣尉居官一循循儒者口不言利利亦弗之及四壁蕭然晏如也或問之笑而

答曰生平不解營謀爲官詎能驟學矧官以禁邪奈何以官邪乎兩署進賢尉俱以誑誤去士民惜之

教諭

胡緯民字武孫瑞州新昌舉人雍正五年諭進賢高才博學爲制舉藝能神明先正矩矱以合乎聖賢之旨喜作養人材有一長輒傾吐所藏娓娓不倦每扶持善類勢利不能回常與長官爭是非曲直而不爲脂韋迎合之爲前後二十一年邑大夫皆雅相敬禮無齟齬者臨川李穆堂絃目空一世嘗過進一見握手曰心交久矣奈何以名宿而老於青氈耶其推重如此所著有桐州集詩古文若干卷卓然成一家言

以上舊志

進賢縣志

卷十六

循吏

二十六

鄒在保新淦舉人乾隆庚子年任教育士子必盡其誠從之遊者如坐春風中

郭嶸都昌舉人嘉慶丙辰年任其教人傾吐無不盡凡學爲文者經其指授皆有法度可觀

訓導

侯章崇仁舉人嘉慶丙辰年任以禮法自持師嚴道尊而性情和易人畏而慕之樂從之遊

